

史學輯佚文獻彙編

翟金明 主編

國家圖書館出版社

63

魯世家索隱

二諸侯年表引同

穀梁疏

名軌左桓元年正義

史魯世家索隱

穀梁疏

名諒方左閔元年正義

穀梁疏

史學輯佚文獻彙編

63

明倫彙編
家範典

中華書局
影印

第六十三冊目錄

職官類(二)

漢官舊儀二卷 (漢)衛宏 撰

卷上 五

卷下 二九

漢舊儀二卷補遺二卷 (漢)衛宏 撰 (清)孫星衍 校並補遺

卷上 六一

卷下 八五

補遺卷上 一〇五

補遺卷下 一七

漢衛宏漢舊儀一卷補遺一卷 (漢)衛宏 撰 (清)黃奭 輯

漢舊儀 一三七

補遺 一九六

漢官儀一卷 (清)王仁俊輯 二四一

漢官典職儀式選用一卷 (漢)蔡質撰 (清)孫星衍輯 二四三

蔡質漢官典儀一卷 (漢)蔡質撰 (清)黃奭輯 二六五

漢官儀一卷 (漢)應劭撰 二九三

應劭漢官儀引里語 (漢)應劭撰 (明)馮惟訥輯 二九七

漢官儀逸文 佚名輯 三〇六

漢官儀佚文一卷 佚名輯 三一〇

漢官儀二卷 (漢)應劭撰 (清)孫星衍輯

卷上 三一三

卷下 三八五

漢官儀 (漢)應劭撰 (清)嚴可均輯 四一七

漢官舊儀二卷

提要

臣等謹按漢議郎東海衛宏敬仲作漢舊儀四篇以載西京雜事見於范書本傳隋唐經籍藝文志漢舊儀四卷宋史藝文志三卷俱著於錄馬端臨經籍考卷目與宋志同而別題作漢官舊儀陳振孫書錄解題遂以其有漢官之目疑非衛宏本書或又以爲胡廣所作後亦佚不復傳世所見者獨前後漢書注及唐宋諸書所引而已今永樂大典所載此本亦題漢官舊儀不著撰人名氏其間述西京舊事典章儀式甚備且與諸書所引

漢舊儀之文參校無弗同者自屬衛宏本書其稱漢官舊儀者或後人因其所載官制爲多妄加之耳後漢書注中頗有稱胡廣日者與漢舊儀互引其文亦絕不相合惟廣傳載廣著詩賦銘頌及解詁二十二篇而史注所引別有漢官解詁之名蓋卽廣所作而舊儀之當出衛宏手益無疑也此本舊時失於讐正首尾序次錯糅文字至脫誤不可乙今據史文覈勘且旁徵舊書參析同異疏於各句下方其原有注者畧仿劉昭注續漢志例通爲大書稱本注以別之釐爲上下二卷又前後漢紀志注及唐宋類書內所引佚文頗多蓋此書遞更顯

晦已非完本謹爲蒐擇甄錄別爲補遺一卷附於其後
以畧還宋志篇目之舊云



漢官舊儀卷上

守約篇乙集

漢衛宏撰

皇帝起居儀官司馬內

按元帝紀初元五年宮司馬中注應劭曰宮司馬中者宮內門

也據此則此內字與中字義同

百官按籍出入營衛周廬晝夜誰何殿

外門署屬衛尉殿內郎署屬光祿勳黃門鈎盾署屬少

府輦動則左右侍帷幄者稱警車駕則衛官填街騎士

塞路出殿則傳蹕止人清道建五旗丞相九卿執兵奉

引乘輿冠高山冠飛羽之音

按晉書輿服志引此文作漢官儀又飛羽作飛翮

幘耳赤丹紕裏

按續漢書輿服志劉昭補注引此文裏下有衣字

帶七尺斬蛇

劒履虎尾絢履諸王歸國稱從

皇帝六璽皆白玉螭虎紐文曰皇帝行璽皇帝之璽皇

帝信璽天子之璽天子行璽天子信璽凡六璽皇帝行

璽凡封

按此句有脫字應云凡封命用之

之璽

按此句應云皇帝之璽

賜諸侯王

書信璽

按此句應云皇帝信璽

發兵其徵太臣以天子行璽策拜

外國事以天子之璽事天地鬼神以天子信璽

按此條

璽下各句並有脫字續漢書輿服志注所引亦同惟隋書禮儀云稱皇帝行璽封命諸侯及三公用之皇帝之

璽與諸侯及三公書用之皇帝信璽發諸夏兵用之文義完備謹參校以正其缺又漢書霍光傳皇帝信璽行

璽孟康註天子之璽自佩行璽信璽在符節臺亦可考見漢時藏璽之制併附著之以補此文所未備 皆

以武都紫泥封青布囊

按續漢書輿服志注引此文無布字

白素裏兩端

無縫尺一板中約署

按此句疑有脫字

皇帝帶綬黃地六采

按六

采舊作赤采似誤又考宋書禮志引漢制皇帝黃赤綬
四采黃赤纁紺亦與此互異今據續漢書輿服志注校
正不佩璽按續漢書志注引此以金銀縢組侍中組負

以從秦以前民皆佩綬以金玉銀銅犀象爲方寸璽各
服所好奉璽書使者乘馳傳其驛騎也三騎行晝夜行
千里爲程

太官尚食用黃金釳器中官私官尚食用白銀釳器

中官小兒官及門戶四尚中黃門持兵三百人侍宿按漢

書百官公卿表百官志皆不載小兒官及門戶四尚官名

冗從吏僕射按續漢書百官志中黃門冗從僕射一人六百石此句首疑脫中黃門三字吏字疑

亦衍出則騎從夾乘輿車居則宿衛直守省中門戶○

本注曰省中禁中也成帝外家王禁貴重朝中爲諱禁故曰省

中常侍宦者秩千石得出入卧内禁中諸宮

侍中無員或列侯將軍衛尉光祿將大夫郎爲之得舉非法白請及出省戶休沐往來過直事

御史員四十五人皆六百石其十五人衣絳給事殿中

爲侍御史宿廬左右渠門外二人尙璽四人持書給事

二人

按漢書百官公卿表僕射御史治書尙符璽者有印綬讀漢書百官志治書侍御史二人此文持字

疑當

侍中丞一人領

按漢書表志漢改御史大夫爲司空別留中丞爲御史臺率而侍中

乃列侯以下入侍禁中者所加官名並無侍中丞之官侍字是衍文

餘三十人留寺

按寺御史

署也在司馬門內前漢書蕭望之傳注作三十人留守者非理百官也

給事中無常員位次侍中常侍

尚書四人爲四曹侍曹尚書

按前漢書師古注引此文侍上有常字與續漢書志

合主丞相御史事二千石曹尚書主刺史二千石事民

曹尚書主庶民上書事客曹尚書主外國四夷事成帝

初置尚書員五人有三公曹主斷獄

尚書令主贊奏封下書

按續漢書百官志掌凡選舉及奏下尚書文書眾事僕射

主閉封丞二人主報上書者兼領財用火燭食廚漢置

中官領尚書事中書謁者令一人成帝建始四年罷中

書官以中書爲中謁者令

尚書郎四人匈奴單于營部二郎主羌夷吏民曹一

郎主天下戶口墾田功作謁者曹一郎主天下見錢貢

獻委輸

按晉書職官志漢置尚書郎四人一人主匈奴

單于營部一人主羌夷吏民一人主戶口墾田

一人主財帛委輸與此文少異疑二郎

當作一郎匈奴單于主脫一郎主三字

中臣在省中皆白請其宦者不白請尚書郎宿留臺中

官給青縑白綾被或錦被帷帳氍毹通中枕大官供食

湯官供麤餌果實下天子一等給尚書郎伯二人女侍

史二人皆選端正者從直伯送至止車門還女侍史執

香爐燒薰從入臺護衣

黃門令領黃門謁者騎吹曰冗從僕射一人領髦頭

左曹曰上朝謁秩二千石

右曹曰上朝謁秩二千石

黃門郎屬黃門令日暮入對青鑲門拜名曰夕郎

五官中郎將秩比二千石主五官郎中

左右中郎將秩比二千石主謁者常侍侍郎以貲進○

本注曰左主謁者右主常侍侍郎

五官屬光祿勳不得上朝謁兼左右曹諸吏得上朝謁

郎中令主郎中

按漢書法主郎內諸官

左車將主左車郎右車將

主右車郎左戶將主左戶郎右戶將主右戶郎

按漢書如淳注

引漢儀注與此文同

秩皆比千石獨郎中令比二千石

按郎中令武帝大初

元年更名光祿勳此文前後皆言光祿勳獨此條言郎中令杜預所謂史駁文也又續漢書百官志光祿勳卿

一人中二千石此云比二千石疑有誤或漢初未更官名時舊制耳

黃門冗從持兵無數宣通內外宦者署尚書皆屬少府

殿中諸署五郎將屬光祿勳

按上文五官左右三中郎將此言五郎將者蓋并虎

賁羽林二中郎將為五也

宮司馬諸隊都候領督盜賊屬執金吾司

馬掖門殿門屯衛士皆屬衛尉

按宋錢文子曰百官表尉尉屬官無衛司馬候

左右都候此云屬金吾者蓋執金吾徼巡宮外寔相表裏所謂聯事也中尉武帝太初元年更名執金吾

右中二千石二千石四官

按少府光祿勳執金吾衛尉四官續漢志皆中二千石此

云中二人石二千石者蓋西漢時初制

奉宿衛各領其屬斷其獄

期門騎者隴西工射獵人及能用五兵材力三百人行

出會期門下從射獵無員秩比郎從官名曰期門騎置

僕射一人秩六百石騎持五旗別內外王莽更名虎賁

郎

按百官公卿表平帝元始元年更名虎賁郎

遷補吏署

中郎將

一人施旄頭

按中郎將一人謂羽林中郎將也考漢百官公卿表宣帝令中郎將

騎都尉監羽林霍光傳有諸吏中郎將羽林監任勝蓋

以中郎將或騎都尉監羽林騎故於本官上不冠以羽

林之號至後漢始置羽林中郎將為定職耳又東方朔

傳羿為旄頭注引應劭曰旄頭今以羽林為之髮正向

土而長衣繡衣在乘輿車前據此則屬羽林取三輔良

家子自給

按宋錢文子補漢兵志引此文羽林下有從官七百人五字自給下有鞍馬二字蓋舊本

脫此七字又漢書如淳注引漢孤兒無數按錢文字補

儀注亦云羽林從官七百人有諸字父死子代皆武帝時從軍死子孤不能自活養